

豐城縣志卷十六

列傳八目錄 文苑

宋

周 諤 孫承弼 孫 袞 從子奇 孫 羲伯 袁 陟

揭伯徽 熊 方 揭飛雄 黃 竑

甘同叔 徐 璿 族弟倫 劉 履 王 休

陳斗月 黃千能 徐端方 甘茂榮

陳 杰 熊 彬 孫 素 徐可久

元

熊 炎 揭 侯斯 父來成 子滋 孫雲

豐城縣志

卷十六

文苑目錄

洪 淵 熊自得 李克家 熊師賢

熊 坦

明

陳 會 徐 益 曹 壽 徐懋昭

孫曰恭 丁 儼 熊 茂 徐州牧

李 貞 楊惟休 胡學浹 王來善

國朝

傅銓彦 子沛 李予璋 甘汝亨 黃炳召

陸履敬 馬士驥 胡之銜 熊字鶴

夏日至 陸紹贄 萬 儼 徐啟統

鄢大年 金玉 丁真 楊州鶴

熊履廷族人 陳布琅 丁正模 徐文弼

匡晉定 蔣兆元 孫象賢 盧熙載

萬錦 葛蘧 陸希濂 陸斐章

熊岐

豐城縣志卷十六

列傳八

文苑

宋

周諤字元輔苦竹里人太平興國間五舉於鄉四居首以文學入韓忠憲慕忠憲子絳爲宣撫薦至京召對賜學究出身諤文章峻峭似柳柳州作邑敕書樓記東坡讀之爲稱歎不置孫承弼紹興進士授左迪功郎作尉十八年號冲和居士

孫褒字子稷號楚堂發從子曰誦萬言年十二賦詩云雪

豐城縣志

卷十六

文苑

一

消溪上玉梅寒洗出江南萬疊山曉露未晞幽夢斷一聲知道是春還謝無逸大賞之後登進士丞相李綱辟叅江州軍事未行卒從子奇字師穎號玉隱宣和初貢上庠有詩名著作甚多自言愛書如羊鼻公之嗜醋芹孫羲伯字伯隆同造人通歷學每謂治歷當備三法曰象曰器曰數象垂於天法在玉衡器備於人法在璿璣象與器協而後有數數之法莫要於六歷作六歷論又作大歷賦謂知歷者不可以不知星知星者不可以不知歷自賈逵張衡王潘陸續皆以北極紐星爲樞是不動處祖晡以儀準候極知不動處在紐星之末猶一度有

餘本朝沈存中重加測候又知天極不動處遠樞星猶
三度有餘又司馬遷立晷儀爲距方舉終以定追宿之
說其法可重作太極圖清臺考類又作渾蓋同歸圖其
他著述尤盛

袁陟字世弼抗之子少有才名與王介甫蘇子瞻曾子固
善未冠登慶厯進士知當塗縣時介甫居金陵嘗手寫
陟詩一軸貽其友卒以巧苦瘠不起自爲墓誌輓章有
詩文十卷號遜翁集

揭伯徽名樞以字行東坑人元祐領解試嘗上東坡詩百
韻又絕句一百首譏評時俗悉有深意歐陽公見所著

贈以詩著喝藥說二千言

熊方字廣居貢上庠叅澧州軍事善書高宗內禪大書堯
舜二字表進有旨付秘閣除本路帥幕好養生術註道
德經二卷著有象山諸集嘗補東漢年表因名其堂曰
補史

揭飛雄字少穎有學行登淳熙進士未及唱名卒雄爲人
外若不勝衣而操守內貞不爲不義屈亦不以一毫不
義取予屬文典麗詩閒雅平淡有菴山集

黃竑字持國彥輔曾孫第進士官廣西提幹爲文筆力奔
放嘗作賦以莊周馬遷自况有畱皮集三山林仲山岳

序云黃君十八爲郡縣秀民二十四爲朝廷顯士三十後以憂病居山林兼忘身世矣

甘同叔字叔異賢能坊人力學精思工賦咏第進士叅桂州民曹州將奇之每有遣設必使視草攝荔浦令卒於官淳熙間與鄧元齊名鄧之天才甘之學力皆不可及相繼落南以卒白石黃景說詩云豈意豐城雙寶劍肯來埋沒瘴煙中又與劉月屋盛溫如于竹國稱豐城四傑所著有節軒集

徐璿字深甫覺溪里人九歲卽善詩教授何蘊奇之授以經學象山先生亦稱爲異稟有覺溪集從吏部吳曾受

豐城縣志

卷十六

文苑

三

歷學盡得其傳著起算法及考異以布衣終李劉銘其墓族弟倫字彝仲慶元進士文詞克肆詩奄有唐宋名家風格爲袁州推官郡守才之幙謀牋筆皆屬焉右史張嗣古尤亟稱賞父喪哀毀卒著詩稿數卷

劉履字正卿城陂人學該貫爲文不蹈畦逕長於講說剖析精當處鄉校職二十年卒子壻徐鹿卿銘其墓

王休字致美城頭里人嘉定鄉薦第一下筆千言一旦盡焚去取睂山集讀累月爲文沛然似之作心要十篇貴王而賤霸表忠而塏佞著誠而惡僞以晏子踊貴履賤之言爲藥石以相如子虛大人之賦爲酒色謂淵明不

夷不惠爲避世之尤謂仲舒劉蕡之策或緩或激皆愛君之實識者躋之

陳斗月字性之干陂人紹定鄉薦與徐鹿卿李登李龍庚袁漸等十有八人爲青雲文社當時以清才稱之子霖字憲甫咸淳進士興國州州判

黃千能字必強黃臺人刻意讀書嘗謂皇極九疇之統漢儒舉以參五事配六極則失之妄作皇極要論又謂古今地理無一定之形神禹疏河故道蕪沒難考作禹貢圖說雜著尤多

徐端方

省志作徐端

字矩叔吳塘人弱冠以文章見知徐鹿卿

豐城縣志

卷十六

文苑

四

舉胄監徐經孫引爲賓客晚年號絜矩病叟自爲墓誌刻石一日手書忠孝大致數百言命酒集家人講授明日冠帶索紙書曰若以爲了多少未了以爲未了何時而了題曰了了道人擲筆而逝

甘茂榮字榮可九里人少從李登受學同族兄癸俱擅文名紹定戊子師生兄弟同鄉薦久之茂榮成進士調常德戶曹轉江西兵馬鈐轄司幹官戊午爲吉州發解官於黜落卷中得劉辰翁文欲置第一典文項汝明執不可榮詬之項不勝忿劾奏以顯斥丞相丁大全削籍謫九江江萬里爲言於朝改京學教沿江制司廣東經畧

幹官以文學自任有節操

陳杰字燾父干陂人淳祐進士授贛州簿累官工部郎中江西憲使叅謀轉朝散大夫召赴行在未行宋亡隱居東湖工於詩著有自堂存稿

熊彬字彬卿號墨莊南岡人力學有師道數邑後進皆從之遊月有會課評覈精當行之五十年門下士多所成就

孫素字少初咸淳末試進士不第清江皮滑刻其詩文以傳吳草廬序之

徐可久字心易曲江人千歲通經大義及長旁涉諸史籍

豐城縣志

卷十六

文苑

五

雷宜中徐經孫皆奇其才辟爲當塗令歸老卒揭文安立石識其實

元

熊炎字時中瓘山人由上舍登咸淳解試授靖安教諭累官廣東儒學副提舉同知英德州嘗撫傳記所載忠孝節義廉循吏爲六傳調京道病卒揭傒斯爲作哀詞吳澄銘墓

揭傒斯字曼碩揭源人父來成宋鄉貢進士德行學問師表一方元仁宗朝賜諡貞文先生傒斯幼貧惟父是師讀書尤刻勵貫通百氏早有文名成宗大德間稍出游

湘漢程鉅夫爲湖南憲長器之妻以從妹仁宗延祐初
薦授國史院編修官時平章李孟監修國史讀所撰功
臣傳歎曰是方可名史筆他人直膽吏牘爾轉應奉翰
林文字仍兼編修遷國子助教復畱爲應奉前後三入
翰林臺閣典章靡不諳練天厯初開奎章閣首擢授經
郎敎勳戚大臣子弟文宗時幸閣中多所咨訪中書每
奏用儒臣必問曰其才何如揭曼碩一日出俟斯所上
太平政要集示臺臣曰此朕授經郎揭曼碩所進也預
修經世大典文宗取其所撰秋官憲典閱之曰此豈非
唐律乎特授藝文監臣叅檢校書籍事順帝元統初累

遷集賢學士奉命祀北嶽濟瀆南鎮便道西歸除奎章
閣供奉學士未至改翰林直學士同知經筵事時新格
超升不得越二等俟斯連進四等轉九階皆帝親擢也
經筵無專官多大臣兼領而微辭與義必屬俟斯撰定
帝嘉其才數出金織文幣以賜至正三年年七十致仕
去行至潮南召還撰明宗神御殿碑文旣成復求去帝
命丞相脫脫慰畱之對曰使俟斯有一得之獻諸公用
其言而天下蒙其利雖死此無恨不則何益之有丞相
問方今政治何先曰儲才爲先養之位望未隆之時用
之周厯庶務之後則無失材廢事之患矣詔修宋遼金

三史克總裁官丞相謂修史以何爲本曰用人爲本有學問文章而不知史事者不可與有學問文章知史事而心術不正者尤不可與嘗與僚屬言欲求作史之法須求作史之意古人作史雖小善必錄小惡必記不然何以示懲勸在史館毅然以筆削自任凡政事得失人材賢否一律以是非之公至物論之不齊必反覆辨論求歸至當而後止踰年遼史成有旨獎諭仍督早成宋金二史俟斯畱宿館中朝夕不敢休因得寒疾七日卒制贈護軍追封豫章郡公諡文安俟斯少處窮約事親菽水粗具必得其歡心暨有祿入衣食稍踰舊輒愀然

豐城縣志

卷十六

文苑

七

曰吾親未嘗享是也故平生清儉至老不渝立朝雖居散地而急於薦士揚人之善惟恐不及爲文敘事嚴整語簡而當詩清婉麗密善楷法兼工行草朝廷大典冊必以命焉

子泫字伯坊以廕補秘書郎遷國史編修官福建廉訪司使守建寧陳友諒兵寇松關建寧受圍泫與經畧使普顏不花協謀禦寇復延平等三州改江西行省未赴以工部郎中召時淮浙道梗畱家慈谿與子樞浮海趨遼東爲倭寇所掠同舟皆遇害泫父子獨免明兵下都城大將驛送於朝安置浙東慈谿召往鳳陽書皇陵碑

事竣賜金放還。泫風尙通雅。正書得古法。泫子雲字之。
德書學智永。參元史

洪淵字淵甫。號沐齋。邑鄆人。宋咸淳鄉貢。瑞州西澗書院
長。入元爲富州儒學教授。精邵子易學。揭先天方圓圖
於屋壁。扁曰環。中年八十一卒。著有環中集十卷。其文
援引該博。議論贍蔚。如江漢波瀾。滾滾不竭。

熊自得字夢祥。橫岡人。博學強記。尤工翰墨。得米老家法。
元末以茂才異等薦爲白鹿書院山長。授大都路儒學
提舉。崇文監丞。以老疾歸。著有析津志。

李克家字肖翁。湖茫人。嘗率衆爲同文書院於州城東。訓

豐城縣志

卷十六

文苑

八

鄉之子弟。後以文學任本縣教諭。陞遼陽儒學提舉。著
有續豐水志。

熊師賢字君佐。絕意仕進。自扁讀書之堂。曰寓樂。嘗學琴
後。不復操。曰但識琴中趣耳。生平專力於詩。吳草廬稱
其風格沖淡。蕭散不事雕琢。而漸近自然。酷與爲人相
似。

熊坦字從正。號小隱。瓘山人。篤學工文。以辟薦任韶州學
正。與俛斯爲貧賤交。卒俛斯哭以詩。

明

陳會字善同。橫岡人。七歲能書。盈尺字。元學士揭俛斯爲

賦奇童詩洪武七年以薦爲本府訓導

徐益字咨益洪武間從父戍瓊博通經史尤工詩賦爲鄉校師尙書薛公遠輩皆出其門與王霜筠楊行素朱四吟相友善

曹壽字曼齡邑鄆人善書爲文雅贍尤長於詩永樂間以經明行修薦除江都訓導會選文學士克宮僚擢春坊右司諫選爲東宮伴讀進大明一統賦并遊春觀燈詩御書褒寵凡諸王行禮及內宮祝文每令撰進簡陞荆王府長史未任陞翰林修撰直文華殿丁母憂歸

徐懋昭字勉明火巷人穎敏工文詞登永樂進士選庶吉

豐城縣志

卷十六

文苑

九

士讀書中秘益進於學旋以疾卒士論惜之

孫曰恭字恭齋曰良弟永樂甲辰廷試擬第一上嫌其名若暴字置第三授翰林編修歷修撰侍讀學士爲文簡古內閣三楊甚器之郡人鍾甬究心理學與曰恭友善一日過楊東里論江西人物首以甬稱東里屢招不至旣而來就見歡語如故鍾不往答東里賢甬益賢曰恭知人

丁機字景昭沙湖人永樂進士官工部主事恬澹有守以嘯咏自娛題長廊巖云今日春山裏山光飛滿衣無梅不索笑有鳥只催歸風月情懷在乾坤事業非荒涼三

徑遠何處送斜暉
裘香坡激賞之

采西江詩話增

熊茂字士克曲江人宏治鄉舉官陽江令自號清臞子能

詩有雉飛集

舊藝文志錄出

徐州牧字仁仲隱溪人萬厯癸酉鄉薦第一詩酒頽放製
作典雅選山東平陰知縣文學吏治爲當道所重上官
某移文檄屬筆州牧喟然曰昔陶靖節恥爲五斗米折
腰豈操觚雅事得促以尺一牒乎坐是罷歸益事吟咏
與邑劉秩熊卓游潛袁懋謙雷暎孫開先後齊名著倦
遊稿

李良字雲將尙書遂孫萬厯鄉舉才思富有聲望重一時

豐城縣志

卷十六

文苑

十

萬茂先訪素園理其遺集悽然有作云千遍題詩百舉
觴昔時風雨共閒房藤陰尙覆攤書屋松蔭空搖看竹
床憶數春花紅在樹或眠秋簟碧爲廊相如狼藉多遺
草寂寞文園泣武皇味此詩雲將風流文采可想見一

斑

采西江詩話增

楊惟休字叔度惟相弟以貢授保定通判管宣府赤城事
所著泰昌日錄僅載元年庚申八月事自萬厯末至天
啟初諸大政悉彙括其中記挺擊紅丸移宮三案顛末
甚悉大抵是王之案而褒劉一燝周嘉謨楊漣等之忠
魏忠賢見之大怒其黨霍維華疏指一燝等朋比并劾

惟休以草莽而記注朝廷起居且稱述舛錯奉旨追燬
日錄褫其職時惟休已之宣府訛傳屢至仰藥卒忠賢
嗾劉志選再劾之未幾三朝典要與掎擊必日錄所是
嘉與必日錄所非幸惟休已死獲免詔獄之慘

舊志本傳云惟休著述甚富遭兵燬遂無全帙五經
宗義二十卷僅存易論六篇辨體一篇歷代長帙七
十四卷僅存戰國之齊楚系南北朝之十八家闕外
春秋數卷天文四卷僅存日行月行日蝕月蝕星緯
辰論大衍歲差靈論暈論數篇衛邊要畧一卷僅存
博塞一篇宣雲二篇東事客對一篇外有大治錄二
十卷武畧十卷古詩評選十二卷楚餘四卷芒書十
卷舒嘯堂雜劇十卷博古一卷地輿一卷佛宗一卷
樂府一卷今併僅存者亦軼

胡學浹字悅之旗塘人諸生少負才名與同郡陳士業萬

豐城縣志

卷十六

文苑

十一

茂先徐巨源余小星友善江南復社興致書招之學浹
往來其間極爲張受先陳臥子楊維斗輩所推重爲文
宕折排奐詩俎豆少陵甲申變後年已五十餘家殖荒
落生平忠孝鬱結慷慨牢落之氣悉發於詩自號密庵
居士施愚山何晝生爲刻所著大雅堂集年八十餘而
卒

王來善字愛甫號舟瑤錢塘人爲名諸生主龍光書院講
席著性理衍義等書

國朝

傅銓彥字明明羅坊人崇禎副貢博學工制藝與陳大士

艾天備黎博庵張天生徐楚白輩爲文字交嘗寓武林
操選政以書抵聞子將曰今日制舉義不問聖賢旨意
支離誕謾讀之輒欲痛哭又謂坊間操月旦者欲息文
字之水火惟不媚津要不問玉帛不婚知友不抑疎逖
不阿聲望之流不排後來之秀甲乙去取但從文字起
見庶士風可正文運可維否則獎嫖母而詆夷光擯趙
璧而珍燕石樹幟於受敵之途啟人以來攻之隙則此
可彼否我抑人揚恐水火元黃靡有底止其持論如此
順治間補臨江司訓造士有法以疾歸著有問花齋初
刻二刻奎光書院集焚餘草子沛仁舉人上饒教諭著

豐城縣志

卷十六

文苑

十二

存耕堂詩集

據本集增

李子璋字伯偉歲貢生巡按右讜伯子善屬文一時詫爲
驚才絕艷晚築室湖上與張扶長陳元水胡悅之饒蔚
宗輩爲詩友嘗攜杖躡屐登名山望長江千里慷慨放
歌自寫其胸中抑鬱之况著有湖上草亦園集

甘汝亨字衢上甘州人明崇禎辛巳選貢壬午順天舉人
與梁清標同門契合及梁執政屢書招之僅一酬答順
治壬辰選永豐教諭越三年卒汝亨工制藝天崇間江
右五家文名甲天下汝亨與爭壇坫杜登聖安雅集多
錄其文

黃炳召字揆與號莪園累舉不第工吟咏胡悅之稱其對人言呐不出口至作詩意果心精如雷發水湧迅不可留勃不可遏穎川陳元水僑寓豐數與倡和訂爲莫逆交生平喜游覽著瘦遊草張扶長序之

據本集增

陸履敬字止敬仙音巷人順治己亥進士例授知縣以體弱簿書煩不赴學問深邃明於是非得失凡令豐者有興革必造廬商榷康熙甲寅滇黔警訛言叠至城市民驚竄入山令禁止之履敬曰愚民懾於虛聲耳寬其出入則遷者返矣請出示聽民自便甫三日果復歸乙卯撫州盜起闖帥資其成算遂擒巨魁王研田贈詩述其

豐城縣志

卷十六

文苑

十三

事著豐城縣志前後藥餘草小雲間集碧蓮園課若干馬士驥字非方號半壑邑邨人布衣磊砢多奇節家壁立未嘗干人工詩有擬園集若干卷雲間倪永清選詩最錄二十餘篇品其味清如鶴嶺茶書畫復超詣名滿天下流落冊卷得之不啻網中珊瑚子瑄善畫尤工翎毛人

內府賞鑑

胡之銓字兩生龍洲人家貧博學嘗操一葉往來楚越間遇名山水輒畱連竟日詩清氣往來蕭然物外劉木叔熊壁岸推爲畏友制藝古文及摹各家書督學諸鉅公

激賞之竟以諸生終著見山集

熊字鶴字子半號芝田少與兄效扞都諫相師友爲文憂
憂獨造著蕉園詩草康熙間以貢歷萬安峽江訓導以
上從詩最采入

夏日至字子長歲貢生少孤苦以清介自勵惟族兄太邁
資給之學問淹洽作文恥拾唾餘朋試省會偶偕涂無
功入書肆披閱間恣論得失衆愕顧旁一不相識者獨
爲之首肯日至請姓名則臨川陳際泰也訂爲忘年交
布政莊應會徵作白鹿賦奇其才欲薦之力辭延爲西
幕

豐城縣志

卷十六

文苑

十四

陸紹贄字碩卿仙音巷人都司鴻漸子性穎敏博涉羣書
問字者履滿戶外康熙乙酉舉人爲文不事艱深陶企
大涂中五楊百穀推重之

萬儼字賓上後萬里人幼孤力學叔與兄惜其體羸戒夜
課儼每伺叔兄寢後輒挑燈達旦爲文雅潔高古卓然
成家康熙庚午受知顧觀廬中鄉試第一稱名元明年
會試總裁王士正得儼卷定元數日竟不第士正對人
言輒爲歎惋甲戌房考趙惺居又薦元俛得復失士論
惜之生平疎于財在學使幕得俸悉以濟友朋困乏瘞
都門外暴骸至不惜典衣其好義類如此著有匡庵集

徐啟統字垂昆水東人父斌康熙癸卯舉人廣東新興知縣有廉聲著禮記集腋啟統姿聰穎學問淹洽康熙庚子數科文體競趨油滑統力矯其弊自成一家言時有起衰式靡之目康熙戊子以拔貢領鄉薦第五壬辰成進士奉

特旨召試與修

御選唐詩并禮記月令廣義書成授中書丁內艱歸哀毀卒有制藝詩集若干卷

鄢大年字永綏泉塘人家貧力田不廢學侵晨督兩弟力作隴上夜分讀書率爲常康熙辛卯舉於鄉癸巳成進士補教習王省齋督江右學延至幕下佐王甄拔十三郡士多名雋選諸暨知縣釐剔奸弊有政聲未久卒於任

金玉字畏瑕號栩齋羅紋人雍正癸卯拔貢

廷試一等授

內廷教習選寧德知縣調武平所至稱治玉學問甚富長於著作詩摹陶靖節古文成一家言有性理摘粹薪水園詩集居京師與山陰徐笠山聯文字交笠山釐其時藝爲之序

丁奘字南政號立堂復之子幼穎異童時隨父謁新建喻

非指令屬對工巧勝人喻歎爲偉器遂壻之旋以五經
七藝冠軍補弟子員雍正丙午鄉試第一爲文渾灑流
轉程墨選元燈錄俱選爲程式子揆哲邑庠能讀父書
學行純正孫猷駿自有傳

楊州鶴字兼斯號石齋前坊人幕遊四方能詩風格近明
七子題三台閣云秋入丹陽萬木摧螺峯高處見三台
一拳瘦石凌霄出千里長江割地來眼底關山今帶礪
天邊煙樹古樓臺乾坤贏得舒長嘯倒盡樽前濁酒杯
著露裘草瀉水張鳴珂跋子巨源有肯堂集 據本集增

熊履廷字來周瓘山人詩古文詞名噪一時巡撫白潢重

豐城縣志

卷十六

文苑

十六

其才遇山川樓閣名勝輒緘題馳驛屬筆遠近索題及
載酒問字者無虛歲康熙乙酉丙午薦元不售以歲貢
終著有也藏山文集二十卷也耽吟詩集三十八卷同
邑李太史雲會序族人時晟字宋玉亦歲貢過目成誦
尤工詩稿軼

陳布琅字雋章石下人幼穎敏能誦百家言雍正壬子舉
人乾隆丙戌

欽賜國子監學錄 府志補

丁正模字宇範號楷堂沙湖人乾隆丙子歲貢學行爲一
時圭臬文矩獲先民與唐萃亭李采衡等聯斗門文社

執牛耳中歲喪妻不再娶人高其義子揆元乾隆戊子
舉人有文名邑倡建龍山書院經畫爲多孫猷蘅國學
徐文弼字勳右號蓋山裏壩人乾隆辛酉舉人以會副任
鄱陽教諭選四川永川知縣再補河南伊陽知縣立義
倉編保甲所至皆有實政以老致仕歸文弼博聞強記
長於詩與裘叔度蔣心餘諸先生多倡和所著有詩法
度鍼吏治懸鏡萍遊近草行世攝芝山書院山長時課
餘與諸生飲酒賦詩得佳什卽使家僮歌以侑酒其風
流瀟灑如此子景階歲貢亦能詩錄入西江風雅

匡晉定字奠安城內人弱冠肄業豫章有時譽所試輒冠

豐城縣志

卷十六

文苑

十七

其曹性恬淡嗜學榻上書鱗積披無寧晷家人生產概
弗問以貢選湖口訓導蕭齋講學年八十餘不倦卒於
官

蔣兆元蔣家樓人歲貢生經史諸子百家尋討殆遍爲文
必出創解學與才副邑令請爲鄉飲正賓著四書就正
編皇極經世書圖攷古今樂律天文攷行世

孫象賢字穀方號魯亭邑諸生北門人弱冠名噪庠序雍
正壬子舉賢良方正以親老辭居貧力學非公終歲未
嘗見令長教授生徒文章以先輩爲鵠徵引根據經史
子四長巡檢餘皆隸膠庠

盧熙載字牧持邑郛諸生喜爲詩與同邑唐萃亭李采衡
毛漢峯輩多倡和僉推爲祭酒寓章門賦蘇圃徐亭二
詩督學金檜門一見奇賞之錄入西江風雅性狷潔環
堵蕭然不問生事卒以顛領終著淇竹園詩鈔新增
萬錦字映霞號蔬圃後萬里人初補邑庠行文豪宕有奇
氣中歲讀書新建夢山終日嘿坐求聖賢治心要旨久
不遇以年老

欽賜舉人明年

賜檢討嘉慶丙辰與千叟宴

恩賞緞錦紗杖鄉里榮之子崑文學

豐城縣志

卷十六

文苑

十八

葛蘧字得我號怡然邑郛務前巷人性敏嗜學爲制科文
意匠不主故常筆力尤勁健年逾八十以諸生

欽賜檢討生平簡飭能任事移建書院竭力勸捐勦其成著
怡然制藝存稿俟刻子正茂附貢斌庠生

陸希濂字公茂履敬孫束髮工文經學尤邃邵戒三宋牧
仲諸先生均器之詩以淡雅勝著五經全稿碧蓮園詩

集若干卷詩最補

陸斐章字孔成號含齋仙音巷人幼攻苦挑燈常達旦爲
諸生試輒冠軍操選政者多采其文乾隆壬午膺鄉舉
一上公車不中第歸日肆力詩古文辭邑文孝廉嵩齡

楊大令其謨匡學博晉定數與唱和三公皆宿學才敏
以陸爲首屈有韓文評選含齋遺稿待梓

熊岐字懋西號邑田潭埠人勤學問工制舉文以歲貢待
銓甲子鄉試

恩賞舉人明年會試後引

見賜銜國子監學正性純摯姊孀貧而病曲意調護至老不
衰鄉人尤稱之子光奕諸生新增